



**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 92. Decretum S. Cong. & Declaratio Innocentii XI. in revocatione
generali Indulg. à Paulo V. facta, non contineri Indulgentias concessas
Tertiariis & Chordigeris.

[urn:nbn:de:hbz:466:1-64103](#)

concessa. Confirmanturque omnes illæ concessiones, quæ ad favorem dictarum personarum, obedientiæ seu directioni præfatæ subjectarum, eorumque Successoribus emanarunt & ex ipsa confirmatione legitimè deducitur (prout etiam in dicto Brevi executoriali declaratur) quod concessiones prænarratae, & Indulgenciæ, ac Privilegia retroscripta, omnibus ac singulis utriusque sexus personis, dictæ obedientiæ, seu directioni subjectis communia sint; & tam illis, quam Indulgenciâ plenariâ pro recitatione Coronæ B. M. Virginis, à Paulo Papa V. 8. Junii. 1608. renovata, licet ac liberè frui valeant in futurum. Omittimus clausulas prædictarum litterarum Clementis VIII. Pauli V. & Urbani VIII. transcribere; hinc Lectorum ad earum tenores remittamus. Quia plura privilegia in aliis Brevibus per ipsos in specie approbatis ac innovatis invertierit, quam tam Tertiarius, quam Chordigeris; aliquique personis dictæ obedientiæ seu directioni subjectis valde favorabilia sunt, ac scitu dignissima. Nec mentionem facimus de aliis Confirmationibus Privilegiorum Tertiæ Ordinis, cum clausulis: in quibus derogatur Constitutionibus, in ultimo Concilio Lateranensi editis; quia censemus standum esse in prædictis (nempe laudabili consuetudine, & praxi locorum) in quibus Tertiarii moratur.

XII. **U**ltimò apponitur in dicto Brevi, & observari mandatur Decretum à S. Congregatione Reliquiarum, & Indulgenciarum 15. Julii. 1681. promulgatum; in quo declaratur Indulgenciæ personis tria Vota substantialia Religionis non emittentibus concessas, in revocatione generali Indulgenciarum felicis memoriae Pauli Papa V. non comprehendi. Quæ declaratio per Sanctissimum D. N. Innocentium Papam XI. in Brevi: *Alias. Sc.* sicut postmodum

confirmata; & vi illius Fratres, & Sorores Terræ Statûs, Ordinis Tertiæ de Pœnitentia. Qui (etsi veri & approbati Ordinis sint alumnî, & sub vera Regula degant; dicta tamen tria substantia Religionis vota non emittunt) Indulgenciis, tam pro recitatione Coronæ prædictæ, quam pro memoratâ devotione sanctissimi Sacramenti concessis uti, & gaudere æquè poterunt; acsi dicta revocatio promulgata non fuisset. Idemque dicendum de personis aliis, dictæ obedientiæ, seu directioni Ministri Gen. subjectis; quibus gratiæ, concessiones, Indulgenciæ, ac Privilegia præmemoratorum Tertiatorum (ut præfertur) sunt communia. Quia mutua Communicatio inter dictas personas vigens, in litteris supra citatis, & verbis in eodem Brevi executoriali contentis apertissimè asserta est, & firma, ac sufficiens declaratur. Ex his ergo manifestè cum dicto Brevi executoriali concludimus: quod [licet à nemine litterarum, privilegiorum, Statutorum, Concessionum hujusmodi, & Indulgenciarum executio impediti valeat, non obstantibus quibuscunque contradictionibus, & obfuscationibus Superiorum quoru[m]vis Ordinum] consentaneum tamen, & opportunum sit, eas modo prædicto roboratas, & cum deputatione Judicum supradictorum suffultas conservare.

Nec minus condignum foret; tenores litterarum, concessionum, & Indulgenciarum hic transcribere, quibus vigore prædicti Decreti 15. Julii. 1681. & Confirmationis Apostolicæ supra memoratae de die 7. Septembris. anno 1686. frui, & gaudere valent prædicti Tertiarii, & alii cum ipsis Communicationem habentes. Hic tamen omittuntur brevitatis causâ; & videri poterunt in Bullariis approbatis; in quibus extensæ reperiuntur. Brevi, p[ro]m. Leonis X. Dum præcessa. de die 4. Jun. 1515. Et: Dudum per

1105.

205. de die 10. Decemb. 1519. aliisque summorum Pontificum : de quibus fit mentio in præmemoratis litteris *Urbani VIII. In plenitudinem. Quas Sua Sanctitas Innocentius Papa XI. in præallegata Confirmatione de novo roboravit.* Ad eadem Bullaria , nec non ad librum Auctorum Archi-Confraternitatis Confallonis nos remittimus.

Quoad Gratias, Indulgentias, & Altaria privilegiata, quibus tam Chordigeri, quam alii cum ipsis Communicationem habentes, ut possunt vigore Brevis bonæ mem. *Gregorii XIV.* superius adducti, aliorumque summorum Pontificum : ex quorum concessib[us] Tertiarii utriusque sexus, intrâ vel extra claustra moram trahentes (qui tria essentialia vota Religionis non emittunt) frui possunt Indulgentiis relatis in Constitutione : *Dum præexcelsa. &c. à Leone X. sub die 19. Junii. 1515.* promulgatâ, per eundem Pontificem in Brevi : *Dudum. &c. 10. Decemb. 1519.* ad eosdem extensis. Idemque dicendum est de aliis similibus ex Decreto S. Congregationis Indulgentiis præpositæ, quo declaravit Personas solemnia Vota Religionis non emitentes, sive intrâ, sive extra Claustra degentes minimè comprehendi in revocatione generali Indulgentiarum à Paulo V. sub die 23. Maij. 1606. in Brevi : *Romanus Pontifex. &c. præscriptâ*, quam declarationem per Breve : *Alias &c. incipiens*, Apostolico labore munivit *Innocentius XI.* sub die 10. Octob. 1686. Vide Rubricas particulares Breviarii Franciscani. Num. 173.

XCIII. *R*ecitantibus Coronam de 7. Gaudiis B. M. Virginis, tam quolibet Sabbato, quam quotidie cum additione unius Pater noster, & Ave Maria pro summo Pontifice Leo X. in Brevi, incipiente, *Exponi. &c. 14. Septemb. 1517.* Et in alio Brevi : *Dum præexcelsa. &c. 19. Julii. 1515.*

& Paulus V. concederunt Indulgentias plenarias.

Quamvis enim Indulgentiam illam Paulus V. abrogasset ; tamen ipsemet eandem restituit priori valori ad instantiam P. Ludovici de S. Joanne Evangel. Commissarii Generalis Ultra-Montanae Familiae Fratrum Minorum de Observantia, ut videtur in Foliо impresso Romæ 1609. cuius authenticam copiam se tenere ait F. Angelus Auda à Lant. fol. 99. in libello de Tertio Ordine, sed & illam de novo concessit, & renovavit 15. Maji. 1688. *Innocentius XI.* in Brevi : *Exponi nobis. &c. relato C. 15.* ubi conceditur Fratribus Minoribus, Monialibus S. Claræ, Tertio Ordini de Pœnitentia, & Chordigeris Archi-Confraternitatis, Indulgentia plenaria, toties : quoties aliquis recitat Coronam B. M. Virginis. 7. Gaudiorum; quæ habuit: in die Annuntiationis, Visitationis S. Elisabeth, Nativitatis D. N. J. C. Adorationis Magorum, Inventionis in templo in medio Doctorum, Resurrectionis gloriolæ, Assumptionis ad Dexteram Verbi incarnati.

Alii ponunt septem Gaudia B. M. Virginis tenoris sequentis : Annuntiatio, Nativitas D. N. J. C. Adoratio Magorum, Inventio Pueri JESU in templo, Resurrectio D. N. J. C. Ascensio in Cælum, Missio Spiritus S. Indulgentia etiam Stationis Sanctissimi Sacramenti confirmata est à Pontifice Maximo, *Sanctissimo D. N. Innocentio XI.* in Brevi : *Universis. &c. sub die 30. Septemb. 1681.* ita, ut tam Fratres, quam Moniales, & Tertiarii utriusque Sexus, etiam in domibus suis viventes, visitantes Altare Sanctissimi Sacramenti, & recitantes sexies Pater noster. & Ave Maria, cum totidem Gloria Patri; secundum mentem & intentionem Summi Pontificis, consequntur Indulgentiam plenariam.

In Calendario Franciscano impresso

O 2 Ro-